

道光遵義府志

遵義府志序

今之府州志卽周官小史所掌邦國之志也後鄭稱如周志鄭書之屬者皆亡矣自班氏始著地理志而志特史中之一地理又志中之一耳江文通云作史莫難於志余謂志府州則尤難蓋史志取一朝掌故事具大指

卽稱完善府州志雖一地理而天文  
五行食貨職官藝文及紀表列傳靡  
不較史加詳則志也而全史矣分門  
別部上下數千年使相貫屬則志也  
且通史矣又史志取材者一朝之實  
錄起居注會典檔案紛羅於前僅待  
裁剪府州志則零搜碎採事事鉤稽

訪古或故老無聞撫今或譜狀難恃  
潛光隱德歷久愈湮金石遺文在遠  
日晦甚卽六曹陳牘非滅裂於胥吏  
或灰蕩於水火文獻不足作者慨諸  
至志邊遠之府州則尤難之難者欲  
雅則古籍無徵欲贍則名流鮮及偶  
有劄錄率是俗簿而一二賢牧守思

文澤吏治輒以無足論述置之置之  
既久則卽其時可言者亦且墜失無  
傳以故陋益陋缺益缺此志之大較  
也遵義之有志創於前明孫太守敏  
政後平播僅十年書雖不及稽古而  
事詳現在簡核可觀今世無傳本僅  
有舊鈔前半弄在民間

國朝康熙二十四年遵義令陳君瑄奉  
下各修府州縣志以備一統志採擇迫  
於奏部三月纂成其書率盡鈔孫志  
略爲增減明末

國初數十年紛紛兵燹爭據在當時能  
考者概略不遑令後人無自求詳實  
深可惜此志之後至今日一百六十

年無紀載矣其舊聞之放失爲何如  
耶道光戊戌冬山陰平太守翰始議  
重加纂緝繼順德黃給事樂之來作  
守因踵爲之前後閱三載書乃勒成  
而是役實余門人鄭生珍屬稿莫孝  
廉友芝佐焉鄭生嘗以採著顛末告  
余曰議之始蓋茫然無刺手處畱心

一年乃始知有孫志陳志及各州縣  
草志而蒐得之又一年乃悉發荒碑  
仆碣及各家所遺舊記事狀知不可  
復有得乃始具稿稿蓋數月間事耳  
噫志邊遠府州之難有如是哉是志  
也於黔中足謂雅贍耳矣昔竇德元  
不能對帝邱之問到今談者陋之今



郡人有是書其可以不德元乎然而  
余復有說凡一府數百里中風化之  
盛衰民心之醇醜政教之得失美惡  
一一皆本乎長吏如遵義者可不謂  
貴州之大府也乎經我

國家

相承休養理極故其郡閭閻之殷賑物

力之豐阜風土人文之秀澤一切與  
中州等富庶之國誠曰易治而自昔  
沃土往往不材守令者承流宣化又  
可漫無維繫也乎然則按疆域當思  
何以撫綏稽戶口當思何以保聚詢  
風俗當思何以補救奉祠廟當思何  
以致祥農桑思何以勸課學校思何

以振興與夫城池津梁及榷賦倉儲  
諸大政思何以利民而盡職如是則  
夙夜勤勤業業日求無負

聖天子委畀一方至意庶此志非區區空  
言乎余願與諸君子共勗之

嘗

道光二十有一年歲在辛丑仲秋月

撫黔使者善化賀長齡序

遵義府志序

使者奉

命視學黔陬按臨所至每畱心於各郡風  
土人情以與志書相考驗蓋將求副  
乎太史輜軒之採皇華諏度之勤非  
僅縱游觀供吟咏也辛丑春夏歲試  
上游各郡由安順邛迤遞及遵義驛

路經過如黃葛瀑布之奇盤江鐵鎖  
之險龍場驛古懷白亭高凡屬名勝  
之區未嘗不攬轡徘徊心儀往昔但  
維黔地僻在荒服文獻鮮徵兩漢以  
來類皆羈縻勿絕郡縣之置始自聖  
初考通志至明嘉靖間始經督學雙  
公創修其後中丞劉公江公先後踵

成之然皆散軼失傳

國朝以來一修於康熙三十一年再修於乾隆六年以次增詳始稱完善郡志則罕有修之者夫通志總括全省文務簡該郡志專紀一隅事宜詳盡凡省志所不及載賴郡志以補之然則郡志之宜亟修與省志等考遵義

初隸古梁繼附警國後屬巴蜀我

朝雍正五年割入黔疆北藩始壯幅員  
廣袤二千里田賦關稅半全黔况經  
列聖相承德威遠播士習民風蒸蒸日上誠  
有非舊志所及備載者倘非隨時修  
葺信今傳後之謂何黃愛廬太守以  
給諫



擢守此邦振學興文美政畢舉獨念舊志  
簡略慨然創修之會歲試甫畢出繕  
本志稿見示自圖說星野建置疆域  
以逮藝文雜記源流洞若門日燦然  
至於表忠貞旌節孝著名宦紀秀髦  
無德不彰有善必錄精鍊而無秕周  
密而罔遺視舊志之粗具崖略爲不

侔矣他日報政之資採風之獻卽謂  
得力於是書也可道光辛丑嘉平

欽命提督貴州學政戶部員外郎兼翰林  
院編修鍾裕撰

遵義府志序

史記漢高祖入關蕭何獨走丞相府  
收圖籍以是知天下戶口阨塞識者  
韙之謂其於爲政之道得其本而握  
要以圖矣郡縣之有志亦猶是也遵  
義自秦以來而國而縣而州郡迭有  
更置至明始定爲一府四縣一州

國朝因之舊隸四川轄雍正五年改歸  
黔省舊無志守土者每怒然念之如  
瞽指星昧其分杪而不敢定權衡之  
準也如聾議樂爽其音節而不能持  
輕重之宜也茫然而無畔岝紛然而  
無紀綱所謂按籍而稽循轍而往者  
將安在耶前守平樾峰慨然有志綱

命來守是邦以淵深之學具經濟之才喜  
羅舊聞倡率同事爲創修之舉惜未  
竟其事以去巳亥秋黃愛廬給諫奉  
舊尹之先得我心謂是書之不可不  
急以成之也開招賢之館發金匱之  
藏重刪定之權分校讐之任蓋幾經  
殫精竭慮無間寒暑而始竣其事焉

乃抑然自下未敢自信郵書示予予  
閱其書自圖說星野以至雜記敘錄  
凡四十餘卷考据詳核事實簡明觀  
乎天文而分野可數也盡乎地利而  
疆域可稽也煥乎人文而學校可興  
也建置則沿革釐然風俗則醇疵判  
然物產則原隰淆然至於凜祭祀之

典禮籌倉儲之積貯總賦稅之輸將  
筦兵戎之糧餉靡不綱舉目張條分  
縷析後之任斯土者可以瞭然於目  
了然於心權衡輕重之間有所本以  
出政矣是書之益豈淺鮮哉愛廬夙  
膺

簡在復登荐剡行將大展其所學以輔

聖天子昇平之化而其治郡也學道愛人  
治具畢張是役也不沒人善不炫已  
長蓋所見者大而不同於俗吏之爲  
也因綴數語以序之時道光辛丑冬  
月黔藩使者長沙李象鵬識



遵義府志序

余嘗泛覽天下省志其體製純駁不  
必盡同要皆馳騁上下事極原委獨  
雲貴兩通志鉤稽旣疏採摭復略每  
一卷未終撫書屢歎謂是文獻不足  
之地此力眾易求詳者且然他府州  
知益難爲力矣今年秋遵義郡守愛

廬黃君示以新撰府志且屬序余受而讀之其一事一文必詳所自則合龍龕手鑑例蒐羅舊碣存目甄文則合輿地碑目例而地理水道事加詳考使貴州之郡縣山川自漢魏來皆有端緒溯古到今復爲年紀使貴州之唐以前事大半可以參求則隱隱

乎非僅一府書矣余乃歎前之所不足者非果不足亦視乎人之爲耳太守斯功於遵義哉以遵義號黔中名郡自創志於前明萬厯壬子入

本朝僅一修於康熙乙丑嗣失修者百六十年而我

國家深仁大澤涵泳沾濡羣忘

帝力多歷年所則所以上揚

聖化下闡民風者不胥斯志乎賴哉抑余  
觀斯志於典禮於農桑風俗凡切於  
富教者不辭賁不嫌屑勤懇懇焉思  
深哉周官土訓掌道地圖誦訓掌道  
方志而官竝以訓名斯志也意無亦  
不徒彙掌故備討論而將諗來者以

柯範歟余竊幸掛名簡端故樂識數  
言以質之太守其纂修端委各序已  
詳余何贅

道光二十一年歲在辛丑季秋月  
貴州等處提刑按察使司按察使河  
間李鈞謹序

遵義府志序

道光丁酉春山陰平樾峯承

簡命來守播州居以廉平庶務畢理念郡  
乘之闕而未備也爰有事焉知郡孝  
廉鄭生珍之博學多聞而屬以簡書  
之役復以都勻孝廉莫生友芝爲之  
佐而身爲裁定其當否事方草創而

平君罷郡去繼之者爲順德黃君愛  
廬踵其緒而期底於成於是按之史  
冊以窮其源參之羣籍以著其辨驗  
之覩記以求其真繁不傷冗簡不涉  
遺以筆以削有典有則爲目三十有  
三爲卷四十有八凡三厯寒暑而書  
用成郡舊有前守孫君敏政之志書

軼不存前令陳君瑄嘗續修之亦簡  
陋難訓蓋遵義自削平楊氏而以今  
之郡縣治也迄茲二百四十餘年而  
郡志始有定本焉自余監司黔中兩  
按播州曾厯其境而周覽之矣登碧  
雲之峯而睇眄膏壤墳腴綺交繡錯  
杭稻黍稌家給而人足繭絲之利衣



被蜀秦商賈之挾重貲而出其途者  
踵趾相屬則潯水以西烏江以南無  
此饒也行其野而戶誦家絃與機杼  
之聲相雜盈耳者洋洋也何風之淳  
歟停車桐梓之郊思先將軍抱匡復  
之孤忠而遭逢顛沛以鬱鬱於此也  
猶有能識其軼事者乎則慷慨歔歔

徘徊而不忍去北眺松坎西顧婁山  
是黔蜀之吭昔日用武之地也追懷  
李于田劉省吾之所力征而經營者  
欲求其踪跡而父老莫能言其故則  
承平久而人不知有草昧之艱也非  
一日矣夫播州自五尺通道於秦而  
遙置之吏亦第期以不侵不叛已耳

固未嘗以文教治也然而百餘年間  
已有舍人盛覽者流各以其德業聞  
望自通於上國北方之學者無以過  
之得非人之不爲地限者乎而地可  
限耶嗣是中朝威德不能及遠播以  
犬牙楚蜀之國常羈縻而度外置之  
迨唐失其柄州之淪於楊氏者又數

百年意者山川清淑之氣蜿蜒磅礴  
挺而爲奇偉魁梧貞廉忠孝之士屈  
首於椎髻之君長匿其秀而湮沒不  
彰者固已多歟不然何自魏晉以降  
而可書若璣璞之倫者竟寥寥也能  
無慨哉且凡物之否泰通塞無定形  
也使今日之涉是邦者覽夫山川之

雄秀物產之豐盈風俗之敦厯土之蓄道德而能文章者蒸蒸日上輩出著名稱於當時爾雅之風幾冠黔服有不以播非人居之言疑子厚爲忘語耶及取是編而上下其理亂興衰叛服離合之故乃知坤輿蟠結之精靈固已若滅若沒扼抑於千數百年之久

至今日而乃大發其華則

聖朝之德威遠而教澤之人人深也非斯  
人之幸歟自茲以往官斯土者思取  
鑒得失之林則昭然在目既得知所  
損益乘除而時修其政教士之覽邦  
乘而發思古之情者知幸生明備之  
世得以詩書禮樂之躬乘時而利見

亦將磨礪奮發恥以不朽者讓能於  
其鄉先生卽以倡氓庶而益厚其風  
俗胥于是乎取之是則兩大夫汲汲  
此志之心而若二生之旁搜博採殫  
見洽聞各能不負所知以相與有成  
亦良有足尚者矣爰書以告後之來  
守是邦者且爲邦之人士勸焉

道光辛丑季秋

誥授中憲大夫分巡貴西安大興遵兵備  
道涪陵周廷授序



# 序

府志至今日成矣又得諸鉅公鴻文  
弁簡端余以謏陋適事會樂與郡人  
士慶書之成而成書顛末慮必詳以  
詔來者則余雖不敏其曷辭序曰府  
之有志自前明盧君守曾始盧後十  
年郡守孫公敏政經營三載始著定

萬厯壬子志二十二卷著述家所引  
皆是書也孫志後七十四年遵義令  
陳公瑄廵令檄以再閱月重纂康熙  
乙丑志三十二卷上於

朝通志錄者皆是書也陳志到今又一  
百五十七年矣聞嘉慶乙亥丙子間  
郡守趙公遵律力擬重修而未屬稿

以病去前後蓋無議及者夫以遵義  
爲望郡若此而文獻缺若彼此伊誰  
之責哉前守平公翰獨能急人所忘  
於荒山破屋中致鄭君珍付以纂緝  
之任而鄭君於莫君友芝又弟之而  
相師友相得也戊戌孟冬因捉手約  
蛩駘茲舉明年孟夏平公以溫水事

被議去權守張公鉉繼之越孟秋余  
自給事中奉

命來膺守至張公告余舊政意懇懇屬爲  
平公終此余敬承不敢怠獨念自始  
事來費皆任居亭者誠善然遲速不  
卜也若不繼主若何主久暫未定來  
者或不樂客若何因與五城牧宰籌

量協捐又得郡中王方伯青蓮存助  
義舉頂而唐太守樹義并二三君子  
亦樂贊邪許經費乃頗可恃知盡是  
當不足然余自力焉耳又念獵隱蒐  
新必非隻手足辦乃簡各邑諸生令  
專採訪村至鄉問摘山脈津蓋去年  
秋而偪綦始紓焉自是各門始漸次

具稿余案牘暇時過來青閣上下推  
論往復羣說然率無以易之蓋鄭君  
於此書謂孫志詳今而不詳古陳志  
略古而且略今今日事同創始當使  
大雅通識於茲置是非焉若等家人  
米鹽簿猶不爲也所徵引前籍至四  
百餘種竝導源究委實事求是然苟

舊說不安雖在班志桑經亦力正傳  
本之誤糾作者之失人以爲妄意若  
有不屑屑計者其紀載頗每每纖繁  
曰甯詳爲後作藍本非文富之國錄  
不勝錄比也體裁竝有自不專仿一  
家隨事發凡亦不襲故習別立總例  
至今年辛丑冬全書梓就計凡四十

八卷目三十三附目十四通八十餘  
萬言於是畢平公之雅志副張公之  
重屬而余薄能鮮德無一二善猷塞  
士民望亦藉是從孫陳二公之後以  
與遵義俱存也豈非幸哉語曰不習  
爲吏視已成事又曰前事不忘後事  
之師也是又非獨余得此多師也已



告

道光辛丑冬十一月貴州遵義府知  
府順德黃樂之謹撰

遵義府志序

天下事謂非數乎哉古吳越荆楚閩  
粵諸國大氏夷耳蠻耳而今則文物  
財賦之所藪也秦晉之郊三代兩漢  
來皆帝王宅而水泔山赭望古者意  
爽然焉是故興衰之運非獨天時人  
事迭有起伏惟地亦然遵義漢所謂

西夷者也漢後雖遞爲郡縣經楊氏  
世據七八百年以至明猶夷耳李長  
矩剗平之變以漢官威儀入於

國朝

列聖漸之文教此周千里之地物力殷賑戶  
口繁蕃非大歉歲無不完之征非死  
病臘無不歸之子經行雖僻無一二

里無塾童聲省試舉四十八人郡獲  
者常踰四之一謂昔地非夷乎今視  
中州何異也非其疆索數當昌阜而  
然哉莊嚴之興山之靈也遊觀之華  
水之榮也人名者必詳年譜家熾者  
必整圖系是皆其運之盛也然亦其  
自然非強得焉耳有今日之遵義卽

宜有今日之府志可強乎哉數千年  
不文之邦今文也無以自表見不意  
以余粗吏而思表見之也思之初頗  
難焉乃已有鄭君珍莫君友芝生長  
其地寂寂寞寞互研究許鄭二三君  
子之業而又不鄙余以肯從余謀也  
余去又難矣期會不失已耳租稅

無缺已耳是迂闊者誠急務乎哉乃  
有張公不病余好事而續任之卽又  
有黃公精心致志三年不倦遂底於  
成皆似有數焉欲府無此志不得者  
要亦自然非可強焉耳辛丑仲冬鄭  
君郵致鋟本以余始也屬數語識之  
余感邇人之不忘余也是書成大爲

遵人慶而使余獲挂羣公頰則亦余  
之幸也若是者又非數乎哉因書以  
爲序

道光辛丑冬十一月前任遵義府知  
府山陰平翰謹撰

遵義府志纂輯銜名

鑒定

憲部兼總督部巡撫等處提督兼總督部長齡

欽命戶部員外郎兼翰林院編修提督貴州金學政加三級鍾裕

貴州等處承宣布政使司布政使加三級李象鵬

貴州等處提刑按察使司按察使統轄金廣傳事務加三級李鈞

分巡貴西兵備道兼管安南大邊等處勞加三級周廷授

總理

遵義府知府黃樂之

創理



遵義府知府平翰

續理

署遵義府知府張鏌

督採

署遵義縣知縣李秀發

遵義縣知縣潘光泰

署遵義縣知縣楊書魁

正安州知州壽元渭

署正安州知州黃士古

署桐梓縣知縣甘雨施

署

桐梓縣

知

縣鹿丕宗

桐

梓

縣

知

縣朱右賢

綏

陽

縣

知

縣崇璟

仁

懷

縣

知

縣張承霖

署

仁懷縣

知

縣曾鴻勳

署

仁懷縣

知

縣郎汝琳

正

安

州

訓

導劉延鑑

纂輯

遵

義

縣

舉

人鄭珍

獨

山

州

舉

人莫友芝

山

二

採訪

遵

義

縣

生

員張雲標

遵

義

縣

生

員黎兆勳

遵

義

縣

生

員張朝琮

綏

陽

縣

生

員聶會通

桐

梓

縣

生

員趙旭

仁

懷

縣

歲

貢卞天桂

協探

遵

義

縣

生

員陳守

遵

義

縣

生

員

仁	桐	綏	綏	綏	綏	遵	遵	遵	遵
懷	梓	陽	陽	陽	陽	義	義	義	義
縣	縣	縣	縣	縣	縣	縣	縣	縣	縣
歲	生	生	生	歲	舉	生	生	生	生
貢任濟午	貢金仍疆	貢丁元勳	貢楊開秀	貢田溥	人李鍾白	貢劉際瀛	貢楊華本	貢徐維棟	貢晉自昭

檢校

遵

義

縣

生

員趙商齡

獨

山

州

生

員莫庭芝

督刊

遵

義

府

經

歷胡祖寅

遵

義

府

經

歷關保

遵

義

縣

典

史杜志張

徵引書目

欽定書經傳說彙纂

欽定通鑑輯覽

欽定四庫全書提要

欽定明史

御製綱目三編

欽定協紀辨方書

欽定儀象考成

欽定皇輿表

欽定皇朝武功紀略

欽定殉節諸臣錄

欽定貳臣傳

欽定逆臣傳

欽定笙詩樂譜

欽定全唐文

欽定全唐詩

欽定明臣奏議

大清一統志

大清會典

大清通禮

周禮注疏

禮記注疏

論語疏

公羊疏

穀梁疏

爾雅注疏

月令章句

毛詩陸璣疏

易通卦驗

論語摘輔象

春秋文耀鉤

春秋元命苞

經典釋文

古微書

鄭康成仲尼弟子傳

費著文翁禮殿圖考

授經圖

朱彝尊仲尼弟子考

畢沅校山海經

王會解補注



家語

管子

商子

呂氏春秋

淮南子

戰國策

史記

史記集解

史記索隱

史記正義

前漢書

前漢書注

前漢紀

後漢書

後漢書注

三國志

三國志注

晉書

宋書

南齊書

梁書

陳書

北魏書

北齊書

周書

隋書

南北史

舊唐書

新唐書

五代史

宋史

元史

資治通鑑

通鑑考異

通鑑綱目

通鑑釋文

畢沅續資治通鑑

宏簡錄

續宏簡錄

稗史

路史

古史考

帝王世紀

說文

段氏說文注

方言

廣雅

玉篇

廣韻

爾雅翼

埤雅

隸釋

隸續

輿地碑目

婁氏字源

通雅

星經

推步法解

觀象授時

揣籥小錄

華陽國志

朱謀瑋箋水經注

戴震校水經注

今水經

蜀水經

水道提綱

元和郡縣志

十道志

太平寰宇記

元豐九域志

方輿勝覽

輿地紀勝

方輿紀要

輿地廣記

西京雜記

宋朝事實

朝野類要

劉氏武功世錄

平播始末

黔記

西南三征記

國朝徵信叢錄

勘播紀事

平播全書

平播錄

奢崇明陷重慶紀略

南詔野史

四裔考

四川土夷考

明史紀事本末

王鴻緒明史稿

襄忠集

無名氏求野錄

王公殉難錄

馮甦滇考

蠻司台誌

黔書

獻徵錄

綏寇紀略

蜀碧

東華錄

庭聞錄

襄陽耆舊記

南越志

齊乘

全蜀藝文志

續全蜀藝文志

蜀中著作記

蜀中廣記

元大一統志

明一統志

明武備志

關里志

貴州通志

廣西通志

山東通志

浙江通志

陝西通志

山西通志

江南通志

湖廣通志

四川通志

四川舊志

雲南通志

雲南舊志

寧波府志

湖州府志

廬州志

松桃廳志

龍游縣志

湄潭縣志

長壽縣志

綦江縣志

珙縣志

巴縣志

涇縣志

南溪縣志

南川縣志

烏青文獻

初學記

北堂書鈔

藝文類聚

白帖

通典

大唐開元禮

太平御覽

太平廣記

通志略

直齋書錄解題

玉海

困學紀聞

文獻通考

續文獻通考

五禮通考

學政全書

江漢叢談

蜀語

華陽風俗錄

蜀都碎事

益部談資



滇行紀程

峒溪織志

八紘譯史

東還紀程

滇黔紀遊

金川瑣記

錦里新編

齊民要術

農政全書

南方草木狀

益部方物略記

蜀錦譜

蠶經

蜀本圖經

益州草木記

異物志

竹譜

茶經

筍譜

司馬公名苑

蔡襄芳支譜

博物志補

魏王花木志

救荒本草

羣芳譜

務本新書

張氏補農書

酉陽雜俎

尚書故實

嘉話錄

鄧慶棠芳支譜

本草綱目

草花譜

廣菌譜

沈氏農書

動植譜

蠶桑寶要

古今注

北戶錄

詢芻錄

清異錄

甕牖間評

東坡雜記

夢溪筆談

容齋隨筆

媿邾錄

蔡寬夫詩話

墨莊漫錄

老學庵筆記

墨客揮犀

紺素雜記

東齋記事

露書

月令廣義

牧豎間談

巖棲幽事

湧幢小品

丹鉛總錄

葯圃同春

响屐神書

冷賞

蚓菴瑣語

居易錄

池北偶談

香祖筆記

天祿識餘

物理小識

寄園寄所寄

王睿殉難紀事

文選

古文苑

明詩綜

王子安集

杜工部集

李太白集

王右丞集

柳子厚集

白香山集

元微之集

宋景文集

六一居士集

東坡集

樂城集

山谷集

任淵山谷集注

公是先生集

文湖州集

樓攻媿集

陸劍南集

周益公集

熊文穆集

項平父集

范石湖集

姚牧庵集

蹇達鳳山草堂集

陶石簣集

黃輝鐵庵集

宋潛溪集

劉瑞五清集

楊升庵集

呂叔簡集

龔三級尙志齋稿

王應熊涵園集

陳啟相平水集

陳盟雪齋集

毛西河集

精華錄注

李公凱集

曝書亭集

敬業堂集

向廷廣畚海文集

彭遵泗集

彭紹升測海集

蔣心餘集

吳白華集

洪亮吉北江集

趙甌北集

顧汝修味竹軒集

曾燠賞雨茅屋集

李調元童山集

焦樸村集

劉研莊集

李天英居易堂詩鈔

吳蓉塘集

趙遵律蘆洲偶筆

賁閒愁集

談亮 部人 舊 以下

求志軒集

遵郡紀事

程生雲 張爲政

明日悔集

覆瓿集

問石集

並羅兆銓

北山集

李先立

北山年譜

李翔

拾遺集

談宣

白雲山人集

李專

敬亭集

唐惟安

遵義紀聞

戊巳編

覺軒雜記

遵義科名錄

並李鳳翽

鉅經堂集

夢餘華談 並黎安理

心齋隨筆

心齋集 並陳懷仁

咸齋集 王恒

或翁集 蘇鯤

金粟齋集 王青蓮

農談 黎恂

棠陰雜稿

棠陰札記 並莫友芝

遵義詩鈔

樗蘭譜

田居蠶室錄

巢經巢稿 並鄭珍

丈雪語錄

大冶語錄

藏天語錄

一庵集

休休集



遵義府志總目

卷一

圖說

星野

卷二

建置

卷三

疆域  
形勝附

卷四

山川

卷五

水道考

卷六

城池  
街坊村場附

卷七

公署

卷八

壇廟  
寺觀附

卷九

關梁

卷十

古蹟家墓附

卷十一

金石

卷十二

戶口

卷十三

賦稅一

卷十四

賦稅二關榷雜稅經費積貯附

卷十五

蠲卹 養濟院 養育堂 漏澤園 附

卷十六

農桑

卷十七

物產

卷十八

木政

卷十九

坑冶

卷二十

風俗

卷二十一

祥異

卷二十二

學校一

卷二十三

學校二

卷二十四

學校三

卷二十五

典禮

卷二十六

兵防  
驛遞馬政附

卷二十七

職官一

卷二十八

職官二

卷二十九

官績一

卷三十

宦績二

卷三十一

土官

卷三十二

選舉

卷三十三

人物一  
列傳

卷三十四

人物二  
列傳

卷三十五

人物三

列傳

卷三十六

人物四

列女傳

卷三十七

人物五

列女傳

卷三十八

人物六

寓賢 方伎

卷三十九

紀事一

周秦至五代



卷四十

紀事二 宋至明

卷四十一

紀事三 國朝

卷四十二

藝文一 詔敕 奏疏

卷四十三

藝文二 露布 記序

卷四十四

藝文三 碑記 文 墓誌銘 檄 教 論 難 考 辨

卷四十五

藝文四詩

卷四十六

藝文五詩

卷四十七

雜記

卷四十八

舊志敘錄

右卷凡四十八爲目三十三成書八十餘萬言其爲體例匪依隻編亦云纂集匪一家言溯古究今

必著厥原毋敢身質以欺世賢地理水道圖經之  
根批卻導窾亦夥陪陳諍友可爲敢佞古先近多  
不備緣牘靡完義從蓋闕觀者孰怨粵在作鄂言  
還于滇平公時守實爲郡循嘗噴巨缺茲焉黠然  
平公謂言是宜有文子盍鳩樓吾主而肩言旋計  
偕明秋南還屢簡乃來權輿已春惟言實服生晚  
尠聞世有日巧匪言之倫唐肆無材其奚斧斤天  
輔其衷乃孫乃陳乃底厥基待我後人亦惟舊記  
咸屬咸臻惟譜惟碣亦惟德隣重光赤奮已事而  
竣惟倂于茲有百其句成者黃公枏者實平毗言

謫飢時惟莫君爬亂宜遐之子實勤乃茲麤粗首  
末可觀永紀倦翁未成而遷石湖志吳以議阻刊  
茲成茲刊以弛鮮民撫今傷懷潛焉永歎天刑人  
禍乃中所親出知所爲諗就惟門元元謂何悠悠  
百年後有賢者亦從掄焉東里鄭珍謹識

遵義府志卷一

圖說

周官職方氏掌天下之圖土訓掌道地圖而大司徒以天下土地之圖周知九州地域廣輪之數圖學之於地理自古蓋尤要矣故方志昔皆稱圖經近世之作頗失本意塗飾名勝標揭羣景直似以其書爲風月魚鳥設者顧不悖歟

國初胡氏禹貢錐指顧氏方輿紀要其爲圖並計里開方深契古法而錐指之虛空鳥道尤獨得心解焉今遵義地界黔蜀之交其疆域自西南而南而東南而

東皆二百里而近其自東北而北而西北而西長有  
至六百餘里者中間烏江渭河湘江洪江樂安江三  
江赤水鰲水松坎河大流凡九小水無論矣山則無  
處非連峯峻嶺四山之麓卽合爲數里平垣而其實  
仍非平也卽此步其鳥道非隨處測定北極高偏度  
準之廣袤之數必不能毫無差忒茲止就人行道里  
合計開方雖非密算猶愈想像爲之云

謹案

欽定明史天文志悉以二百五十里爲一度遵義在西八九  
十十一度二十七度二十八度二十九度間


欽定開方輿圖又以一方爲半度當一百二十五里今準此  
平度之線府境畫每二十里一方五州縣境畫每十  
里一方舊志並畫山川茲以境中山不勝載又非中  
州名山可表水地者比一概略之惟載大川源委令  
眉目易清至細流則亦從其略也

鐵義序


晉圖



每方二十里方圈心爲府治長圈心爲州縣治點爲界



四至以極境為主四隅以府城為主



井地之法斷不宜今管子謂城國不必中規矩道路不必中準繩因天材就地利當封建之日而已深令至計及郡縣之時誠哉天下才也然至圖寫輿地非通以井法廣輪之數必不能明如列眉

**欽定**天下輿圖遵義一郡之在貴州形勝據黔蜀門戶而其地四正之境東盡綏陽一百五十里界平越之湄潭西盡仁懷五百八十里界四川敘州之敘永南盡遵義一百里至烏江界貴陽之修文北盡桐梓三百六十五里界四川重慶之綦江四隅之境東南一百二十里至烏江盡遵義界貴陽之開州西北六百四十


里盡仁懷界仁懷廳西南一百五十里盡遵義界大  
定之黔西東北五百六十里盡正安界四川重慶之  
彭水而東北境兼界思南之婺川石阡之龍泉四川  
重慶之南川北偏西北境兼界四川重慶之合江東  
西七百三十里南北四百六十五里東南至東北四  
百二十里西南至西北六百四十里其四周可謂廣  
矣廣土眾民風不同俗不一司之者修教齊政欲令  
士飽其德民歌其力莘莘蒸蒸稱治國皆將於是乎  
寓覽斯圖者毋作畫脂視也

變義思  
實圖


東

每方十里

上



下



遵義漢寧縣地唐帶水縣地北宋播川縣地明屬播  
州長官司平播建府治縣附郭卽移唐播州首縣名  
爲名編里凡十三

國朝因之東西二百四十里南北一百九十里



正  
夷  
州

夷  
圖

正東

婺川界

婺川界

思寧里

龍泉婺川  
涇潭界

三江

南川界

桐梓界

小溪里

正西

正安州

桐梓界

綏陽界

德溪里

綏陽界

正安漢邕縣地唐漆州東境珍州東北境兼播州芙蓉縣地宋西高州及珍州樂源縣地明屬真州長官司平播後置縣名真安編里凡四

國朝因之雍正四年改今名東西三百里南北二百一十五里

相

粹

鼎

夏

圖

界川南

正安界

里化境

正東


正西

液

松

縣

正南



桐梓漢營縣地唐涪州之西境珍州西南境榮懿扶  
歡夜郎等縣地北宋涪州地南宋爲播川縣明屬播  
州長官司平播置縣以舊桐梓驛爲名編里凡七  
國朝因之康熙初併四里爲二東西一百二十里南北  
二百九十里



緡陽縣志

卷一

正東

正安界

渭潭界

渭澤邊界

旺草里

樂

E  
七

界梓桐

里家趙

界梓桐

里水朗

界義遵

界義遵

界義遵

水空

里竹金

正西


綏陽漢寧縣地唐遵義縣地北宋遵義軍及承州之  
綏陽縣地明屬真州長官司平播後置縣以宋綏陽  
縣爲名編里凡四

國朝因之東西一百二十里南北三百四十里

仁懷恩

是圖

策



巨

赤水

南

上

界縣懷仁  
里

界縣懷仁

里郎二

界縣永敘

里羅安

正西

水赤

里博李

縣仁懷

界西黑今

里溪小

界義遵

工


仁懷漢符縣地唐兼有溱珍播渝南州地宋滋州仁懷縣地明屬播州長官司平播後置縣以宋仁懷縣爲名編里凡十

國朝因之乾隆四十一年分縣三里地置仁懷直隸廳今里凡七東西四百二十里南北五百二十里




鐵  
圖  
義  
廐






敬告讀者

底城圖





官井

太僕

威遠街

行臺

關王廟

南壇

養德院

觀兵亭

總府

府學

梓潼觀

按孫志諸圖州縣廣袤皆畫整方而除一城之外幾無地可見疆域非圖學也然府圖中城制祠廟公署標識爲詳

國朝裁道衛以前規模居然在目今仿出附載今後之談掌故者有所考云

# 星野

經星盡乎天度而中國不盡地球以地球一隅之中國配周天之經星僧一行精氣相屬不繫方隅之論雖善調解理終渺茫然周官首著星土左氏屢言歲在古數書亡康成明言之矣漢晉以來郡國入度皆康成所見後世堪輿說耳近世郡志書以故間置此事亦頗病缺略今考漢後說者星次宿分北斗三台五緯干支六事所主各殊而府境極度偏度晷景中星今密於古尤宜略識故並臚次使談天文者詳焉至於星占則不暇及云



十二次分野 以星土辨九州之地所封封域皆有

分星以觀妖祥注元謂大界則曰九州州中諸國中

之封域於星亦有分焉其書亡矣堪輿雖有郡國所

入度非古數也今其存可言者十二次之分鶉首秦

也鶉尾楚也

周禮保章氏

實沈初畢十二度終於井十五

度鶉首初井十六度終於柳八度

漢書律歷志

自井十度

至柳三度謂之鶉首之次秦之分野

續漢書律歷志注引月令章句

自井十六度至柳八度曰鶉首之次今秦分野

續漢書郡

國志注引班固

取三統歷十二次配十二野其言最

詳自東井十六度至柳八度爲鶉首秦之分野屬雍

州又有費直說周易蔡邕月令章句所言頗有先後

費直起井十二度蔡邕起井十度

晉書天文志

雍州上當

天文自東井十度至柳八度爲鶉首得秦之分野梁

州於天官上應參之宿周時梁州以併雍部

隋書地理志

東井輿鬼鶉首也初東井十二度餘二千一百七十

二秒十五太中東井二十七度終柳六度自漢三輔

及北地上郡安定西自隴坻至河右西南盡巴蜀漢

中之地及西南夷犍爲越巂益州郡極南河之表東

至牂柯翼軫鶉尾也初張十五度餘千七百九十五

秒二十二太終軫九度自沅湘上流西達黔安之左

皆全楚之分

唐書天文志

井九度至柳三度鶉首之次四

川布政司所屬雲南布政司所屬皆井鬼分

明史天文志引

洪武十七年大明清類天文分野書黔地連楚蜀總之不出鶉首鶉火

鶉尾之次

郭子章黔記

遵義府鶉首之次

四川舊通志

二十八宿分野

東井鬼星散為雍州分為秦國

春秋

元命苞

東井輿鬼雍州

史記天官書漢書天文志同

秦地於天官東

井輿鬼之分野也其界自宏農故關以西西南有巴

蜀廣漢犍為武都又西南有牂柯越雋益州皆宜屬

焉

漢書地理志

東井輿鬼秦

淮南子天文訓廣雅同

東井南方宿秦

之分野

高誘呂氏春秋注

牂柯郡上值天井故多雨潦

華陽國志

志南中魏太史令陳卓言郡國所入宿度范蠡鬼谷先

生張良諸葛亮譙周京房張衡並云蜀郡入參一度

犍爲入參三度牂柯入參五度巴郡入參八度晉書天文

志東井據百川上流故鶉首爲秦蜀墟得兩戒山河

之首唐書天文志江南道夷播思費南溪漆爲鶉尾分唐書

地理志陝西路當東井與鬼之分川陝四路與秦同分

宋書地理志四川布政司所屬惟綿州觜分合州參井分

餘皆井鬼分明明史天文志引大遵義府天文井鬼分

野明一統志遵義府井鬼之分四川舊志遵義分野舊志俱

屬井鬼志牂牁占參不占觜益州占井不占鬼井兼

雍梁益三州亦猶斗牛兼吳越豫章也萬厯庚子狼星入東井占者以爲滅播之象旣而果應此占參井之一證遵義府參井分野通志大

清一

統志同

按遵義一府於古屬梁州之域殷周併梁於雍則遵義當以漢書秦地分野爲主陳卓州郡躔次以巴蜀犍爲牂柯入參分尙與天井不大懸絕至新唐書以溱播爲鶉尾分盡與古說相違矣要知星野家言各有所見曉曉聚訟莫名是非衛旣齊曰三人占則從二人之言寧從其衆者孫敏政曰郡邑雖殊總在覆幬之下必欲尺寸某地而某星之

則鑿矣今從秦漢相傳舊說星取井鬼無庸辨亦無從辨也

北斗七星分野 北斗七星所謂璇璣玉衡以齊七

政杓攜龍角衡殷南斗魁枕參首用昏建者杓杓自

華以西南夜半建者衡衡殷中州河濟之間平旦建

者魁魁海岱以東北也史記天官書漢書天文志同荆州西南至

岷山北距鳥鼠梁州屬開陽春秋文耀鉤梁州之西屬北

斗開陽一星廣雅梁主閭陽周禮疏二主楚古微書引石氏星經王

衡第二星主益州常以五亥日候之巳亥為巴郡蜀

郡牂柯癸亥為犍為續漢書天文志注引星經斗二曰璇其分為

楚

宋史天文志

三台分野

梁雍屬中上本注中台之上九州繫于

三台一台各有上下

論語摘輔象

五緯分野

吳楚之疆候在熒惑占於鳥衡正義熒

惑鳥衡皆南方之星故吳楚之占候也鳥衡柳星也

一本作注張也

太白主華陰山涼州雍州益州續漢書天

文志注熒惑曰南方夏火主楚吳越以南

晉書天文志

按天官書南宮朱鳥權衡太微三光之庭權軒

轅是以孟康曰軒轅為權太微為衡正義似未合

干支分野

丙丁江淮海岱也

史記天官書

丙楚丁南夷

辛酉夷漢書天文志

北極出地高度崇禎初西洋人測得北極出地度

分貴州二十四度明史天文志貴州二十六度三十分二

十秒五禮通考遵義縣北極出地二十七度三十七分二

十秒正安州北極出地二十八度三十分桐梓縣北

極出地二十八度綏陽縣北極出地二十七度五十

二分三十秒仁懷縣北極出地二十八度三十三分

二十秒地輿小錄

按

欽定協紀辨方書日出入之早晚晝夜永短所由分也人居



有南北則北極出地有高下於是日之出入早晚隨地不同中國在赤道北北極出地上南極入地下故夏晝長冬晝短自京而北北極愈高則永短之差愈多所居之地愈南北極漸低則永短之差漸少各省日出入時刻不同俱以各省北極出地及太陽赤道緯度立算

**欽定明史**

天文志南行二百五十里則北極低一度北行二百五十里則北極高一度東西亦然江氏推步法解極高度皆以測影測星定各以本方極高度之正切貴州四九八七與黃赤大距度正切四三四

六四相乘半徑千萬除之爲赤道度之正弦得二  
至日出入卯酉前後赤道度以一度變時之四分  
加減卯酉正初刻得日出入時刻分

東西偏度 東西偏度以京師子午線爲中而較各  
地所偏之度凡節氣之早晚月食之先後胥視此蓋  
人各以見日出入爲東西爲卯酉以日中爲南爲午  
而東方見日早西方見日遲東西相距三十度則差  
一時相距九十度則差三時相距一百八十度則晝  
夜時刻俱反對欲定東西偏度必須兩地同測一月  
食較其時刻若早六十分時之二則爲偏西一度遲

六十分時之二則為偏東一度節氣之遲早亦同今

各省差數未得測驗據廣輿圖計里之方約略條例

或不至甚舛也四川成都府偏西十三度貴州貴陽

府偏西九度半明史天文志貴州偏西九度五十二分四

十秒五禮通考遵義縣偏西九度二十九分正安州偏西

八度五十七分三秒桐梓縣偏西九度三十九分綏

陽縣偏西九度一十三分仁懷縣偏西一十度四十

四分揣篇小錄凡偏東一度節氣遲時之四分偏西一度

節氣早時之四分同貴州早二刻九分半推步法解

按江氏推步法解各省交食時刻則以東西偏度

定地球周九萬里一度二百五十里此南北緯度里數也若東西經度惟南海外當赤道之下若里數如之中國當赤道之北則里數漸少愈近北則愈少如圓球上作距等圈近腰者大近頂者小至頂則成一點矣各省相距東西相望或正或斜欲求其里數皆可以弧三角法算之法用各省北極出地高度減象限其餘爲距地北極度如求

京師與

盛京相去之里數

京師距地北極五十度五分爲二邊

盛京距地北極四十八度九分爲一邊偏度七度一十五分爲所夾之角兩邊相併九十八度一十四分爲總弧餘弦一四二二兩邊相減一度五十六分爲存弧餘弦九九九四二併之一〇一三七四折半五〇六八七與角之矢八〇〇相乘爲實半徑十萬爲法除之四〇五爲對弧存弧兩矢較以較加存弧矢五八爲四六三卽所求對弧矢以矢減半徑爲餘弦九九五三七查表五度三十一分以五度三十一分化里得一千三百八十里爲

盛京距

京師斜望之實里數考之驛程一千四百四十五里蓋人迹迂曲多六十五里也他省算經度里數仿此又按秦氏觀象授時曰寅賓之類以測象日宅嵎夷宅南交宅西宅朔方卽後世里差之法星鳥之類以測象星卽後世歲差之法今得極度以定南北星差各州縣之晝夜永短時刻分秒可如法推得得偏度以定東西里差各州縣之節氣早晚時刻分秒可如法推得

晷景 以土圭之法測土深正日景以求地中日至之景尺有五寸注鄭司農云土圭之長尺有五寸以

夏至之日立八尺之表其景適與土圭等謂之地中  
今潁川陽城地爲然禮周冬至之日樹八尺之表日中

視其晷

易通卦驗

按古法測日景用八尺之表每尺爲十寸每寸爲  
十分今西法用六十二度之表每度爲六十分每  
分爲六十秒又有倒景之表各用本法推之皆可  
得各州縣晷景長短

中星 堯時春分日躔在卯而初昏中星爲鶉鳥今  
之春分日躔在室而初昏中星則在東井堯時夏至  
日躔在星而初昏中星爲大火今夏至躔於觜而初

昏中星則亢宿中之大角偏東數分餘堯時秋分日  
躔在房而初昏中星爲虛今秋分日躔於翼而初昏  
中星則斗宿第四星偏東數分餘堯時冬至日躔於  
虛而初昏中星爲昴今冬至日躔於箕而初昏中星  
則室宿中之雲雨星偏東數分餘也中星諸方各異  
隨時不同欽定書經傳說彙纂古今中星不同由於歲差  
明史天文志

按中星者恆星之見於正南午位者也自古聖人  
敬授民時所謂星鳥星火各以昏時測其正中以  
定二分二至三代因以加詳月令十二月敘次尤



晰漢唐至今厯術加密皆附節氣以記中星然節  
氣古與今同中星今與古異堯時至今四千年之  
間中星已移五十餘度而各省昏旦所見又各不  
同惟胡寅中星譜報各圖各省中星最稱詳備取所定  
依法立算卽得城各節氣昏旦中星度分特胡  
譜係康熙初年所撰近日又移三度是又不  
可不知也